

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

Haineuve, Julien

Coloniæ Agrippinæ, 1665

Aliæ his affines veritates indicantur. Hac hebdomade inchoatur historia
Passionis Domini, à concilio Iudæorum contra Iesum; in eaque pergitur ad
illum sermonem, quem peractâ cœnâ Dominus cum ...

urn:nbn:de:hbz:466:1-44214

Causa cur pauci salvi sint, hac in se forte est, &c.

In 1. parte, Feria 3. infra hebdomadam 4. post Epiphaniam.

Quanto te ipsum negligis, quasi non es es cum ceteris periturns, tanto te Christus doluit propter ceteris periturns.

In hac 2. parte, Feria 5. infra hebdomadam primam Quadragesima.

Precipitatio animi in statu vita deligendo, præcipitum est animæ. Non evitat præcipitum, sed mutat, quia nec nimis præceps, nimis est latus.

In hac 2. parte, in fine ubi de statibus, prima & secunda Consideratione.

Qui sibi palpat, quod non longè erret, periculosis saepe errat, quam qui aberrat longius.

In 3. parte, Dominica 3. post Pentecosten.

Qua ratione sit, ut plures dici possint male, quam bona arbores: eadem proflus ficit, si caueas, ut mala potius, quam bona sit arbor.

In endem parte, Dominica 7.

Sicut prima & puerilis ætas index est securitas vita presentis: ita hæc vita præsens indicium est futurae posteritatis.

In eadem parte. In Nativitate S. Ioannis Baptista.

Verendum, ne quod tibi deest ad perfecti-
nem, deest etiam ad salutem.

In 4. parte, Feria 2. infra hebdomadam 17.

CVM hinc adusque Pascha, Veritates desumantur ex Consideratione Pa-
ssionis Domini nostri: HAC HEBDOMADE initium dicitur à Consilio Iudeo-
rum contra Iesum, ubi Judas proditionem suam apertuit. Tum in his pergitur, quæ
Evangelica refert historia, usque ad sermonem Domini, peractâ cœnâ cum disci-
pulis habitum; & eò præcipue referuntur Considerationes, ut agnoscas Bonita-
tem Domini Iesu oppositam malitiæ Iudeorum, sicque ejus exemplo discas ma-
lam in bono vincere.

F E R I A S E C V N D A.
DE C O N S I L I O I V D Æ O R V M
contra Dominum Iesum:
E T D E C O N S I L I O D O M I N I I E S V ,
pro salute Iudeorum, & nostra.

Dixit Iesus discipulis suis: scitis, quia post biduum Pascha fiet: & filius hominis tradetur, ut crucifigatur. Tunc congregati sunt Principes Sacerdotum, & seniores Populi in atrium Prin-
cipis Sacerdotum, qui dicebatur Caiphas: & consilium fecerunt, ut Iesum dolo tenerent, &
occiderent. Matth. 26.

Hagueniuse Pars 2.

VERI-

VERITAS PRACTICA.

Quid nequius, quam quod excogitavit caro
& sanguis? Eccles. 17.

VERBA sunt Ecclesiastici, qua non modo aperte quadrant in Iudam & Iudeos, qui de perdendo Iesu consilium invenerunt: quā quidem impietate nihil nequius: sed in ipsis universim cogitationes humanas, qua sunt cogitationes Carnis & Sanguinis, & qua nisi coercentur, in eandem cum Iuda & Iudeis conspirant nequitiam, ut Dominum Iesum perdant. Ac proinde sic absolute Veritas enuntiari potest:

Nihil nequius, quam quod excogitat caro & sanguis.

RATIO EST. Quia nihil nequius, quam de perdendo nobis Iesu cogitare.

Sed quod excogitat Caro & Sanguis, eo tendit, ut perdat in nobis Iesum.

Ego nihil nequius, quam quod excogitat Caro & Sanguis. Quod non tantum de impuris aut aperte pravis cogitationibus intelligentias, sed de aliis inordinatis, quae a quovis procedunt homine, qui Caro & Sanguis dicitur a Christo Domino: Caro & Sanguis non revelarunt tibi, id est, ullus homo: & ab Apostolo: Non acqnevis Carni & Sanguini, id est, nulli homini.

Matth. 16

Galat. 1.

I. PUNCTUM.

Supradictis verbis de facto à Iudeis consilio contra Dominum, addenda sunt, que Idem sanctus Evangelista scribit de Prodigore Iuda. Tunc abiit unus ex duodecim, qui dicebat Iudas Iesu: ecce, ad Principes Sacrorum, & ait illis: Quid vultis mihi dare, & ego vobis eum tradam? At illi confituerunt ei argenteos. Exinde quarebat opportunitatem, ut eum traderet. O quale consilium! quales nunquam! qualis mercatura! ubi agitur de prodendo & vendendo Iesu! quale proximum sic vendi ab uno ē suis! sic vendi adversari! sic vendi tam vili pretio!

Quā longē aliud eodem tempore cum suis Dominus inibat consilium, quo immensis summa passionis tempus illis indicabat! quid nequius cōsilio Iudeorum, qui de perdendo Iesu deliberant! quid sanctius consilio Domini Iesu, qui de redimendis hominibus

sermonem habet, & diem statuit? Nonne hoc est bonitate cum malitia decertare? O quoties idem nobiscum agitur! o quoties caro, quoties ista pars animalis sua init consilia cum vitiis & concupiscentiis, quibus profectō in nobis periret Iesus, nisi bonus Iesus consilia illa destrueret, & meliora ipse statueret de salute nostra! O quam verē Sapiens, Quid nequius, quam quod excogitavit Caro & Sanguis; cuius eō tendant ex cogitationes ut Iesum perident.

Hoc modō est expendendum; ac primō illud, quā sit nequam & impium supra omnem nequitiam & impietatem, de perdendo nobis Iesu cogitare! Nam praecequam quod tantæ est dignitatis, ut sit Rex Regum, & Dominus dominantium: Tantæ est insuper Bonitatis, ut ipsa sit Bonitas, nec alia in nobis vera possit esse bonitas, nisi per ipsum, Qui, ut ait 1. Cor. 1. Apostolus, factus est nobis sapientia a Deo, & justitia, & sanctificatio, & redemptio. DE cuius plenitudine nos omnes accepimus: quia lex per Moysen data est, gratia & veritas per Iesum Christum facta est. Vnde propter nos egenus factus est, cum esset dives, ut illius inopia dives essemus. Vnde dedit semetipsum pro peccatis nostris, 2. Cor. 8. ut eriperet nos de presenti sacculo nequam, secundum Gal. 1. dum voluntatem Dei, & Patris nostri. PER Rom. 5. quem & habemus accessum per fidem in gratiam istam, in qua flamus & gloriamur in spe gloria filiorum Dei. IN quo ipse Deus benedixit nos in Eph. 1. omni benedictione spirituali in coelstibus. Vnde Coloss. 1. est imago Dei invisibilis, primogenitus omnis creature: quoniam in ipso condita sunt universa in celis & in terra, visibilia & invisibilia, sive Throni, sive Dominationes, sive Principatus, sive Potestates; omnia per ipsum & in ipso creata sunt: & ipse est ante omnes, & omnia in ipso constant. Et ipse est Caput corporis Ecclesie, qui est Primum, primogenitus ex mortuis, ut sit in omnibus ipse primatum tenens, quia in ipso complacuit omnem plenitudinem inhabitare, & per eum reconciliare omnia in ipsum, pacificans per sanguinem crucis eius, sive qua in terris, sive qua in celis sunt.

Satisne hinc agnoscis, qualis quantusque sit Iesus? Satisne hinc intelligis, qualis sit ea cogitatio, qua de illo perdendo formabitur, & quam verē nihil illa iniquius & nihil nequius?

II. PUN-

II. PUNCTUM.

SED quod excogitat caro; eo tendit ut perdat in nobis Iesum.

Quidquid enim excogitat caro, nisi ratione temperetur & gratia, totum carnale est, peccatum totum vitiosum & inordinatum. Cuncta, inquit Scriptura, cogitatio cordis intenta est ad malum, omni tempore. Quod & ipse Apostolus in se sentiens; Ego, inquit, carnalis sum, venundatus sub peccato. Non enim quod volo bonum, hoc agos, sed quod odi malum, illud facio. Scio enim, quia non habitat in me, hoc est in carne mea, bonum. Invenio legem volenti mihi facere bonum, quoniam mihi malum adiaces: Condelector enim legi Dei secundum interiorum hominem; video autem aliam legem in membris meis, repugnare legi mentis mea, & captivans me in lege peccati, qua est in membris meis. Et alibi universaliter de nobis omnibus: Caro, inquit, concupiscentia adversus spiritum, spiritus autem adversus carnem: hac enim sibi in vicem adversatur: Unde evidenter patet, quod quidquid sola caro excogitat, tam vere malum est, quam vere repugnat homo.

Quod vero tendat illud malum, ubi aam terminantur illae carnis cogitationes, audi ex eodem Apostolo: Prudentia carni mors est, Sapientia carni inimica est Deus: legi enim Dei non est subiecta. Quenam est enim illa prudentia a sapientia carnis, nisi ejusdem cogitatio, & illa praecepta, de qua loquimur, qua excogitar commoda, lucra & emolumenta sua: Quomodo autem mors est, nisi quia perdit Iesum, qui est vita nostra, & qui quamdiu vivit in corde mors absit necesse est; aut si mors absit, tam vere is pereat, quam certum est, vitam simul & mortem non posse confistere: licet enim non omnis cogitatio carnis lethalis sit, ac proinde non ita Iesum ab anima fuger, quin per gratiam Ianctificantem ibi remancat: tamen de cogitatione carnis sicut de concupiscentia, & de concupiscentia sicut de igne sentendum est, qui nunquam dicit sufficere, ut est in Proverbiis. Sic concupiscentia quasi ignis ardescit, inquit Ecclesiasticus. Et rursum, A scintilla una augetur ignis; id est, ab una levi & veniali cogitatione facilis est progressus ad lethalem, qui sic a sancto Jacobo describitur:

Eccles. 9. Vnde quisque tentatur a concupiscentia sua, levi scilicet carnis cogitatione, abstractus & ille-

Gen. 6. Deus: deinde concupiscentia cum conceperit, parit peccatum, primò quidem veniale, tum quando consummatum fuerit, facillimè transit in mortale, & generat mortem. Sic ordinaria dispositio à veniali ad mortale peragitur, ut expressè docet sanctus Thomas, satisq; esset ad 1.2. q. 88. nostraræ propositionis evidentiam, ut sicut pri- 4.1. mæ carnis cogitationes tendunt in mortiferas, ita eo tendunt, ut perdant in nobis Iesum.

Addo illud verò, quod cùm permittitur carni, ut excogite, quæ sibi sunt commoda & opportuna, totus in his cogitationibus sic homo vivit, & occupatur, ut verus ille homo vivat & regnet cum suis actibus, qui Novo repugnat & contradicit. Quid autem novo est repugnare homini, nisi tot ejus impedit vitales actus, quot Domini Iesus in nobis exercuit, nisi vetus homo Illi repugnasset? O que perditio! quæ jactura! Vide infra Feria sexta & Sabbato Hebdomadae Passionis; utrū verò maximè in die Parasceves, Ubi quomodo per peccatum veniuntur Christus, aperte declaratur. Interim verò hoc mirare, sic Judas sibi paulatim Dominum perdidisse. Neque enim cùm primò Eum prodidit & ludus vendidit, sic arbitrabatur condemnandum & crucifigendum, sicut post accidit. Cogitabat miser de una pecunia sibi comparanda, putabat se ludificaturum Iudeos, tradendo illis Dominum, quem noverat satis potenter, ut se, cum vellet, ab eorum manibus eripere, sicut jam ante pluries, se ab eis eduxerat. Unde cum postea vidit ré aliter agi, ac revera Christo parari Crucem & necem, tunc paenitentia Matt. 27. duellus, retulit triginta argenteos, ut dicetur suo loco, quasi doleret factum, quod futurum nō putabat, quo dolore ita exaruit, ut, quod ait sanctus Leo, insurrexerit in semetipsum non ju- Serm. II. dicio paenitentis, sed furore pereuntis, ut qui vi- da Pass. te. Authorum Intercessoribus vendidisset, in aug- mentum damnationis sua, etiam moriendo pec- care.

Sic potro Jesus se sim perditur, cùm quasi joco, aut non quasi malevolo animo, non nihil indulgentius sibi quis primò permittit, unde eò tandem abripitur, quod se lapsum nunquam putasset. Sic cum Isaaco fratre lu- Gen. 21. debat Ismael: sed ludus iste vocatur persecu- Gal. 4. tio: jubeturque Ancilla & filius ejici, ne forte Mater & hæres Filius ab eis extrudantur, ut praeclarè Apostolus, ad rem nostram.

III. PUNCTUM.

Quid nequius igitur, quam quod excogitavit
Caro & Sanguis; Cum totum illud edent
dat, ut perdat in nobis Iesum, perdendo Gra-
tias, seu quas vocant habituales, seu actuales,
quibus in nobis habitat, & nobiscum vivit.
Bib. 2.c.8. Quā proditio & perditio quid damno-
nus, si usque quid nequius? Nonne hoc est maius dam-
num, quam si totum perderes mundum, inquit
pius ille author, qui de Imitatione Christi est,
qui & perges in tam suavi maternitate: *Quid pa-
re est, inquit, mundus conferre sine IESV?* *Esse sine*
*IESV, gravis est infernus, & esse cum IESV, dul-
cis est paradiſus.* Si fuerit tecum IESV, nullus
poterit nocere inimicus. *Qui inuenit IESVM,* in-
venit theſaurum bonum, immo bonum super omne
bonum, & qui perdit IESVM, perdit nimis mul-
tum, & pluquam totum mundum.

Tob. 10. Defe hanc jacturam, quam toties incurri-
sti. Vide quibus lachrymis absentiam Filii
Tobiae Mater deplorabat: *Heu Heu me, fili mihi,*
ut quid te misericordia peregrinari, Lumen oculorum
nostrorum, baculum senectutis nostre, solarium
vita nostra, spem posteritatis nostrae: omnia simul
in te uno habentes, te non debuimus dimittere à
nobis. Nunquid maior est JESUS. *Tobia?*
Quia vero propter debitam aliquam pecu-

niā recuperandam, missus erat domo à pa-
tre filius, audi iterum matrem, ut in illam pe-
cuniam invehatur: *Nunquam fuisset ipsa pa-
cunia, pro qua misisti eum: sufficiebat enim pau-
peritas nostra, ut dirittas computaremus hoc,*
quod videbamus filium nostrum. Sic planè tibi
in rem, quæ causa peccati est, & per peccatum
exclusi Jesu, sic tibi exardecendum & dicen-
dum: *Nunquam fuisset ista superbia, nun-
quam iracundia, pro qua Jesus à nobis dimis-
fus est!* ò insensate, à quo Jesus est ita pro-
scriptus!

Cave deinceps diligentius, quidquid à car-
ne est, etiam si leve appareat. Perpende, quod in
nobis, velut in templo Christus inhabitet;
& sicut in templo immundum nihil tolerari
debet, ita nec in corde tuo, quod tanti hospitis
ostendat oculos. Hinc enim non leve censem-
dum est; unde Apostolus, *Quis consensus tem-
plo Dei cum idolis?* vos enim estis templum Dei
viro, sicut dicit Deus: quoniam inhababo in il-
lis, & in ambulabo inter eos, & ero illorum Deus,
& erunt mihi populus. Propter quod exite de me-
dio eorum & separa me, dicit Dominus, & im-
mundum ne retegeritis. & ego recipiam vos. O
qualis illa benignitas, ut qui toties à nobis
ejectus est, sic nos velit recipere! *Tenui eum, Cane-
te dimittam.*

FERIA TERTIA.

DE COENA PASCHALIS AGNI, Secundum legem moremque Iudaorum, à Christo Domino, cum Discipulis facta.

Etuntes parate nobis Pascha, ut manducemus. *Luc. 22.*

VERITAS FRACTICA.

Voluntatis eiusdem est, nolle afferre scandalum: & sufferte velle, si quando pravè accipi-
tur...

ID EST,

Qua ex causa & ratione non est afferendum aliis
scandalum, eadem prorsus est sufferendum, se-
ferte alii pravè & inique accipiunt. Nullos
sportes offendere & scandalizare, quantum

in nobis est: At si sua sponte se ipsum scandalize-
zent, non oportet propriecea nos offendere.
RATIO est, quia vera causa, cur non est afferen-
dum scandalum, est Charitas.
Sed illa ipsa Charitas exigit, ut suffratur si pra-
ve & inique accipiatur.
Ergo quā ex causa & ratione non est afferendum
aliis scandalum, eadem prorsus est sufferendum,
si forte alii pravè & inique accipiunt.
Ac voluntatis eiusdem est illud nolle, & hoc
velle. **Q**ua tamen voluntas paucorum est.

I. PUN.

I. PUNCTUM.

VT Bonitatem Domini Iesu oppositam malitia Judaeorum clarus hic videoas & constantius imiteris, qui est praeceptus hujus hebdomadæ finis: observa, Judæos id imprimis objecisti Christo, quod non obser-varet legem: Propterea persequerantur Iudei Iesum, ait sanctus Ioannes, quia haec faciebat in Sabato. Malitia planè execranda, cum nullus inter eos unquam extiterit tam religiosus observator universa legis. Huic vero malitiæ opposita Bonitas & Sapientia Domini Iesu hic cluent, quod discessurus ex hoc mundo ad Patrem, quidquid prescriptum erat de Agno Paschali comedendo, perfectissimè voluerit a se suisque observati: idque apud nobilem Ierosolymitanum Civem, qui spectator & probatus esset testis hujus legalis ob-servantie. Euntes, inquit Petrus & Ioanni, para-re nobis Pascha, ut manducemus. At illi dixerunt, ubi vis parvus? Et dixit ad eos; ecce intro-euntibus vobis civitatem, occurret vobis homo quidam amphoram aqua portans; sequimini eum in domum, in quam intrat, & dicetis Patri-familias domus: Dicit tibi magister, ubi est diver-sorium, ubi Pascha cum discipulis meis mandu-cem? Et ipse ostenderet vobis canaculum magnum stratum, & ibi parate. Euntes autem in venerunt, sicut dixit illis, & paraverunt Pascha. Et cum saecula esset hora, discubuit, & duodecim Apostoli cum eo, & ait illis: desiderio desideravi hoc Pas-cham manducare vobis, antequam patiar. O desideria Domini Iesu! quā sunt ardentia! quām vera! quām efficacia!

Et tamen non destiterunt Iudei eum sem-per accusare legis infraactæ & violatae religio-nis: nec aliud gravius contra eum objecerunt. **I**ustus 19. Pilato, quām quod legem haberent, & secundum legem deberet mori. Quod certè scandalosum, infame & durissimum Christo fuit. Sed qui omni modo præcaverat, ne scandalum & offensiones daret, voluit hoc scandalum fibi impactum & hanc offensionem suo inustam nomini sustinere, ut nos pleius edoceret ejusdem esse voluntatis, nolle affere scandalum, & sufferre velle, si quando pravæ & iniquæ accipitur: atque ut omnes intelligant, qua ex causa non est aliis inferenda offensio, ex illa ipsa esse ferendam, si nobis in-structur.

Ratio est propositus eadem, nam quænam est causa, cur non sit afferendum scandalum, ni-
fi Charitas, cuius est providerere bona non tan-tum coram Deo, sed etiam coram omnibus hemi-nibus: Illudque maximè cavit, ne ponatur of-fendiculum fratri vel scandalum: si enim propter cibum frater tuus contristatur seu offenditur, jam non secundum charitatem ambulas. Noli ci-bo tuo illum perdere, pro quo Christus mortuus est. **Rom. 12. Ibid. 14.**

QUE quæ pacis sunt scellemur, & quæ adiscatio-nis sunt, invicem custodiamus. Itēque paulo p̄st: Vnu quisque vestrum proximo suo placeat in bonum ad adificationem. Rursūque alibi 1. Cor. 8. graviter: Videte, ne forte hac licentia vestra of-fendiculum fiat infirmis, & peribit infirmus in tua conscientia frater, propter quem Christus mortuus est: sic autem peccantes in fratres, & persecutientes conscientiam eorum infirmam, in Christum peccatis. Quapropter si eis scandalisat fratem meum, non manducabo carnem in ater-num, ne fratrem meum scandalum. Quæ quo sensu sint intelligentia, & quomodo Charita-re repugnant, suscit Divus Thomas, & alii: Tu vide, quid hic pecces: & an illud Apostoli religiosæ colas, Nemini dantes ullam offensionem, ut non vituperetur ministerium nostrum, sed in omnibus exhibeamus nosmetipos sicut Dei mi-nistros in multa patientia, in Charitate non 2. Cor. 8. fidia.

II. PUNCTUM.

SED illa ipsa Charitas exigit, ut sufferatur scandalum, si pravæ & iniquæ accipitur. Tunc dicitur iniquæ accipi, quando non ex infirmitate vel ignorantia, sed ex certa ma-litia seu invidia bonum opus pravæ detor-quetur, aut quæ sapienter dicta sunt, in prauum sensum accipiuntur. Sic Pharisei sapientis scandalisabantur de Christo Domino, cui in-videbant, & quem dolebant suis divinis ope-ribus agnoscet, & colit à populo: quod quidem scandalum non erat datum sed acceptum, & iniquæ acceptum contra æquitatem & veri-tatem. Atque hinc fit, ut quoties sic iniqui de bonis derrahunt, & quæ hi probè dicunt aut faciunt, in tam perversum illi adducunt sensum, ut se etiam scandalifari & offendendi affirmet; hoc eorum scandalum dicatur. Pharisaicum & iniquum, quod tamen est ex illa charitate sufferendum, qua est patiens

B. 3.

C. b.

i. Cor. 13. & benigna, qua non inflatur, non est ambitiosa, non querit qua sua sunt, & non irritatur, sed omnia suffert, omnia sulinet.

In 1. p. die Si supra jam vilum est, ut qua lege non essent inferendæ injuriae, cùdem proflus, si inferrentur, essent ferendæ. Sic Christus Dominus & verbo & exemplo; unde Apostoli tam

16. Ian. *1. Pet. 2.* saepe & graviter illud inculcant: *Hoc est nim gratia, si propter Dei conscientiam sustinet quis tristitia patiens injuste: Que est enim gratia, si peccantes & colaphijati suffertis?* sed si bene facientes patienter sustinetis, *hoc est gratia apud Deum: in hoc enim vocari estis, quia & Christus passus est pro nobis, vobis relinquens exemplum, ut sequamini vestigia ejus, qui cum maledicetur non maledicat, cum patetur non comminabatur.*

Ibid. 3.

Et paulò post, Non reddentes malum pro malo, nec maledicendum pro maledicto, sed e contrario bene licentes, quia in hoc vocari estis, ut benedictionem hæreditate possideatis.

Quæ dum sincere præstantur, sicut certum est esse Charitatis effectus: si nisi sincere præstantur, manifesti sunt Charitatis defectus. Ac proinde patet ex hac Charitate ferendum esse illud scandalum, quod iniquè accipitur. Durum est quidem, sed durius, non exercere Charitatem: Aut certe quæ suavis & blanda est Charitas, hoc quodeunque est durum, emollit & complanat.

III PUNCTUM.

QU A ergo ex causa & voluntate non est aferendum scandalum, cùdem est ferendum, si iniquè accipitur. Nempe ex Charitate, quæ perinde violatur, si afferas, aut si non feras tale scandalum, quod nullâ tñâ cùpâ sibi aliij accipiunt, & de te innocentii murmurant. Quod quia difficultius est in praxi & rarius, quam aliud de non afferendo scandalum, quod nolles, ne Charitatem læderes; Idcirco hic te ipsum ex reipso urge & argue, si non æquo feras animo illa iniqua scanda & murmur. Cur enim non æquæ times violare Charitatem, si non feras accepta scandalum; sicut timeres eam violare si afferres, aut illam dares offensionem, cum non minus ex uno Charitas violari possit, quam ex alio? Hinc fortè dictum à Sapientie, *Qui peccaverit in uno, multa bona perdet: Seu, ut alii vertunt, bonitatem perdet, quæ est ipsa Charitas.* Adde, quod est

Eccles. 9. *valde rotundum ad clarioriem propositionem. V-*

ratis intelligentiam & firmiorem præxim, si forte tu, qui pietati vacas & perfectioni acquirendæ, non feras patienter, quod ex Charitate ferendum est, sed contra excusas & frendeas, nonne pusilli & in virtute infirmi poterunt inde scandalizari? At verò iam non erit acceptum iniquè scandalum, sed erit à te imprudenti & peccanti datum, quod ex prima propositione certissimum est pugnare contra Charitatem: jamque ille eris, cui objiciebat Apostolus, *Et peribit insimus in tua conscientia frater, propter quem Christus mortuus est;* nempe offendetur, quod tu sacerdos, tu religiosus, tu pietatis studiosus sic commoveris contra pietatem & perfectionis studiū, quod proficeris! Aut forte inde etiam tuo exemplo erit liberior ad similes impatientis animi motus; quod certè est offendiculum & scandalum infirmis ponere, quod quidem nolles, sed neque aliud etiam velis, unde illud facillimè sequitur. Esto, illi iniquè tecum agant, teque innocentem divexent: at illi iniqui sunt: Tu verò æquitatis & virtutis professor, non modo nihil iniquè debes reddere, sed ipsam iniquitatem tam placidè ferre, quam verè profiteris virtutem; aut certè professioni tuæ maculam & scandalum infers.

Quidquid porro ultra depravatus appetitus possit suggerere, aut forte etiam ratio proponere ad conservationem tui juris & nominis, planè dilutum & solutum habes in his sancti Petri Verbis. *Et quis est, qui vobis noceat, si boni amulatorum fueritis?* timorem autem eorum ne timueritis, & non conturbemini. Domini num autem Christum sanctificate in cordibus vestris, parati semper ad satisfactionem omni presenti vos rationem de ea, quæ in vobis est, spe; sed cum modestia & timore, conscientiam habentes bonam, ut in eo, quod detrahunt vobis, confundantur, qui calumniantur vestram bonam in Christo conversationem. Melius est enim benefacientes, se voluntas Dei velit, pati; quam malefacientes. Quod & ante iam dixerat pene iisdem verbis: *Conversationem vestram inter gentes habentes bonam, ut in eo, quod detrahunt vobis tamquam de malefactoribus, ex bonis operibus vos considerantes glorificant Deum.* Vide quæ hic plura prosequitur sanctus Petrus; Et quæ Thomas à Kempis libro tertio, capitulo trigesimo sexto, quod totum est de hoc arguimento. *Quis tu, ut timeras à mortali homine?* Deum time, & hominem terrores non expavesces.

Quod

Quod si ad præsens vidēris succumbere, & con-fusionem pati quam non meristi: ne indigniter ex hoc, neque per impatienniam minus coronam tuam.

Charitas non quærendo sua, melius iavenit, quam si quereret.
Esto, appareant aliquæ irascendi causæ: mul-

tò tamen plures sunt, & validiores, ne irascaris.

Aut amandus tui Contemptus, & te contemnenti congaudendum: aut non amanda Charitas, quæ congaudet Veritati.

*Ha tres Veritatis habentur infra in hac parte,
Feria 2, 3. & sexta ejusdem hebdomada, quæ est
tertia post Pascha.*

FERIA QVARTA. DE LOTIONE PEDVM.

Etcœpit lavare pedes discipulorum, & extergere linteo, quo erat praecinctus. Ioan. 13.

VERITAS PRACTICA.

**Qui se Christi exemplo non humiliat, ex-
emplio Dæmonis humiliabitur.**

RATIO EST, Quia qui se Christi exemplo non humiliat, se contra Christum exaltat,
Sed qui se contra Christum exaltat: exemplo Dæ-
monis humiliabitur.

Ergo & qui se Christi exemplo non humiliat.
Quod certe est exprobandum & ad præxi-
mum efficax.

I. PUNCTUM.

QUAM longè errarent Judæi, qui de Regni ambitione Christum Domini-
num accusabant, timebantvè, ne se su-
pra omnes efficeret, satis patet ex hac ejus hu-
militate, quâ se ad pedes discipulorum, atque ipsius etiam Judæ, abjecit: O quām diver-
sa Jesu Judæorum cogitationes! nihil isti de Jesu nisi superbiam; Et Jesus præter humili-
tatem nihil cogitat!

Legendus Evangelii textus, expendenda
sunt singula Christi Domini verba & facta:
tam stupendum humiliatis exemplum sin-
gulari consideratione colendum, atque alte
animo imprimendum. Quantum nobis hanc
virtutem commendet Dominus, observandū
accuratè ex his ejus verbis: Scitis quid fecerim
vobis: vos me vocatis Magister, & Domine, &
bene dicitis; sum vobis: si ergo larvi pedes ve-

stros Dominus & Magister, & vos debetis alter
alterius lavare pedes. Exemplum enim dedi vo-
bis, ut quemadmodum ego feci vobis, ita & vos
faciat. Quod de quibuslibet humiliatis ac-
tibus æquè est intelligendum, & iis præci-
puè, qui sunt magis necessarij, & in quibus
magis laboramus. Idcirco enim suum præfer-
tim proponit exemplum circa hanc Virtutem,
quia difficilior videtur, & rarius exercetur.
Ut verò etiam magis hoc exemplum ad præ-
ximum valeat, additur in proposita Veritate,
quod jam attente consideretur: Qui se exem-
plo Christi non humiliat, exemplo Dæmonis hu-
miliabitur. Quod licet exemplum vulgare sit:
ex certis tamen circumstantiis singulare est,
ut videbitur.

Res porrò plana est, & facilis ad intelle-
ctum. Nam qui se non humiliat, cum id præ-
cipue quādam necessitate exiguit, lese contra
Christum exaltat; cur enim rūm ille non
se humiliat, nisi quia vel negat id sibi esse ne-
cessarium: vel quantumvis necesse sit ad sa-
lutem & perfectionem, id negligit & fastidit;
quaæ quidem fieri nequaquam possunt, nisi
superbiat, & exaltetur animus, quasi se fatis
tutum & salvum putet sine his humiliatis
actibus. Tales sunt porro actus, qui exigu-
tur ad obediendum Deo, Ecclesiæ, & superio-
ribus; quando videlicet confitenda sunt rite
peccata, quando paupertas defectus ingenij,
& alia, quæ nos coram hominibus humili-
ant, nobis contigerint; quando arguemur de
culpis; quando de nobis detrahentur; quando

exit

erit aliis cedendum ; quando invidia comprienda ; quoties denique peccaretur, nisi te humiliares : tum humilitas tam necessaria est, quam est omnino necessarium non peccare. Jam vero qui se in his necessariis non humiliet, nonne se contra Christum exaltet, qui haec ita ordinavit ut essent necessaria, & ut nobis evenirent ad proxim & exercitium humilitatis ? *Quis est Dominus, ut audiam vocem ejus.* Nunquid tibi Rex Pharaon ita loquens, se contra Dominum exaltare videtur? At putasne solius hujus Jacobandi voces sic se efferre? Audi quid ipse Deus de quovis superbo corde dicat: *Anima, inquit, que per superbiam aliquid commiserit, sive civis sit ille, sive peregrinus, quoniam adversus Dominum rebellis fuit, peribit de populo suo :* Verbum enim Domini contempnit, & praeceptum illius fecit iritum. Vide ne superbiam esse rebellionem aduersus Dominum? Et quod peccatur humilitatis defectu, non minus grave censeri, quam ipsum Dei contemptum?

II. PUNCTUM.

SED qui se contra Christum exaltat, exemplo Demonis humiliabitur. Est enim lata pridem sententia, quod qui se exaltaverit humiliabitur. Atque hujus humiliationis exemplum in primo illo rebelli Angelo statutum est, qui se humiliare noluit, cum illi humilitatis praeceptum est datum. *Quomodo cecidi de caelo Lucifer, qui mane oriebaris, qui dicebas in corde tuo: in celum descendam, similis ero altissimo?* veruntamen ad infernum detraheris, in profundum laci. Tum vero paulo post in eodem capite, quod est valde observandum, sic idem Prophet: *Hoc consilium, quod cogitavi super omnem terram, & hoc est manus extensa super universas gentes. Dominus enim exercitium decrevit, & quis poterit infirmare?* & manus eius extensa, & quis avertet eam? Quasi diceret, perinde omnes, qui se exaltaverint, humiliabuntur, sicut ille superbus qui propterea dicitur, *Rex esse super universos filios Iuperibus, quod eos scilicet præcedat culpam & pañam.* Quod & confirmat S. Augustinus, ad hunc psalmi versiculum, *Tu humiliasti sicut vulneratum superbum.* Vulneratum, inquit intellige diabolum, non penetrata carne, quam non habet, sed percusso corde, ubi superbus est.

Quasi diceret, primò quidem Dæmon su-

perbus, humiliatus est tamquam vulneratus, tamquam debilitatus, tamquam accepto vulnere vinctus & exanimatus: tum deinde superbi omnes, ejus exemplo.

Atque hinc Christus Dominus argendum mundum dicebat, id est mundanos & superbos, quod princeps hujus mundi jam judicatus esset. Denique nimis exultantes discipulorum animos, & in quandam elationem se se efferentes sic repressit: *Videbam Satanam sicut fulgur de caelo cadentem. ELATIONEM eorum comprimens, inquit sanctus Gregorius, exemplo magistri elationis, O quam magistrum! qualis humiliatio! & quale exemplum!*

III. PUNCTUM.

QVI se igitur exemplo Christi non humiliat, exemplo Dæmonis humiliabitur; quia ille videlicet sicut dæmon se exaltat contra Dominum, & in omnes, qui se universim ita exaltant, eadem humiliationis pena est denunciata. Nam sicut ait Sapientia, quod imitantur *Diabolum, qui sunt ex parte illius:* sic vere dici potest, quod qui imitantur illum in culpa, sunt ex parte illius in pena. Sic apostolus Petrus: *Quibus iudicium jam olim non cessat, & perdito eorum non dormit.* Si enim *Dæmon Angelis peccantibus non pepercit, sed rudentibus inferni detracatos in tartarum tradidit cruciandos, in iudicium reservari:* Et paulo post: *Vbi Angeli fortitudine & virtute cum sint majores, non portant adversum se execrabilis iudicium:* Quasi diceret; licet Angeli multo plura haberent quam homines, unde gloriantur & se exaltare posse viderentur, punita tamen eorum est exaltatio; quanto magis homo punietur, qui cum sit pulvis & cinis longe inferior Angelo, se se exaltare voluerit. *Quid superbis terra & cinis?* Ut vero, quantum sibi humiliacionis, cinis superbis timere debeat, sic fuisse Sapiens, eodem capite, pergit differere: *Initium superbis hominis apostatare a Deo: quoniam ab eo, qui fecit illum, recepsit cor ejus; quoniam initium omnis peccati est superbis: qui resuerit illum, adimplebitur maledictis & subverteret eum in finem.* Propterea exhortavat Dominus conventus malorum, & destruxit eos usque in finem. Sedes ducum superbiorum destruxit Deus, & sedere fecit mites pro eis. Radices gentium superbiorum arefecit Deus, & plantavit humieres ex ipsi gentibus.

Neque

Iob. 14.

Ibid.

Iob. 41.

Ps. 83.

Neque hæc putes tantum in insigniores
dici superbos, aut te ex illis unum non esse:
Quis enim te discernit? an id certò affirmare ausis, quod de te sentis? Nonne sunt alia
1. Cor. 4. Dei de nobis & nostra judicia? *Qui judicat me*
Dominus est, inquietabat Apostolus: unde ipsius judicio stare debemus, non nostro. At certè si Domini spectes Judicium, multi actus
superbiæ non modò in Pharisæis, sed in Apostolis, velut graves condemnantur, qui leves
alioquin viderentur.

Marci 9. Adeòne grave erat, quod inter se disputas-
sent Apostoli, *quis eorum videtur esse major*,
ut propterea audirent à Christo Domino,
Marth. 18. *Nisi conversi fueritis*, ab hac scilicet ambitione,
& efficiamini sicut parvuli, non intrabitis in
regnum cœlorum? Itanc regnum cœlorum
nunquam essent ingredi propter illud peccatum? Ita sanè quia sic Christus dixit; quod tamen non est ita intelligendum, quasi peccatum illud esset lethale, vel quasi quis arceatur
in illo regno propter peccatum non lethale:
sed quod nisi conversi fuissent ab illo ambitionis affectu, gravius inde peccasset in aliis
occasionsibus, sicque tandem interijssent ve-
luti Judas, qui primò quidem leviter affectu
avaritiae peccare potuit, tum verò gravius, ju-
xta illud sapientis, *qui spernit modica, paula-
tim decidet.*

Eccles. 19. Certe qui gemunt in inferno, *Quid nobis*
profuit superbia, non semper hoc lethali pec-
carunt peccato, sed unum extitisse inter multa
venialia mortale sufficit: Atque illi, qui
spernit tanquam modica, quæ quotidie pec-
cat venialia, facillimum est incidere in ali-
quod grave & mortale, quod confessione

non expiabitur; imò quod in ipsa confessio-
ne perpetrabit. *Sicut enim est confessio adducens Eccles. 4.*
peccatum: ita & illius est propria hæc confu-
sio, qui non omnem exxit superbiam, nec se
libenter humiliat; & inde peccatum manife-
stum adducitur, cum inde reticetur aliquid
in confessione, vel aliter declaratur, quam re-
vera est coram Deo. At quale puras illud peccatum?
qualis hujus peccati pena? qualis humiliatio?
quale futurum judicium?

Sic sancti quique à levibus quibuscumque
in hac materia sibi cœbant, ut quæ etiam sibi
cavent attentiū, extrema quæque inde fu-
tura damna & supplicia sibi proponebant.
Non debeat illis alia humiliatis motiva, ne-
que ignorabant alias, quam æternas esse hu-
miliationes, quas pro suis culpis in hac vita
metuebant, quales in Davide & Ezechia 2. Reg. 24
commemorantur; sed hoc præterea se cogita-
tione armabant, qualem ipse Apostolus de se 2. Par. 32
refert: *Ne forte cum alius predicaverim, ipse re-* 1. Cor. 9.
probus efficiar. Audentēne tu præsidere, ubi ti-
met Apostolus? Audentēne respire quasi
minus à te remotum, quod Vir tantus non à
se ducit alienum. Itaque quod, ait Sapiens, *an-
numento ire, quoniam non tardabit. Humilia val-
de spiritum tuum, quoniam vindicta carnis im-
pij, ignis & vermis.*

Vide in 3. parte, Dominica 10. & Feria 5.
hebdomadæ duodecimæ, ubi hæc duas fatus
affines habentur Veritates.

Omnes insipientes & infæciles supra modum
animæ superbi. *Sapient. 15.*
Superbo maximè formidandum divini tri-
bunal Judicij.

FERIA QVINTA: DE INSTITUTIONE Sanctissimi Sacramenti.

Accipite & manducate: Hoc est corpus meum. Matth. 26.

VERITAS PRACTICA,

Ingratus est tanti beneficii, qui se tantum ex
parte immolat, se totum immolare Christo.
RATIO EST. Quia ille Ingratus est, qui grati-
titudinem non reddit Benefactori, quam de-
Hayneusue Pars 2.

*bet, quam potest, & quam scit esse redden-
dam.*

*Atqui Ille talis est, qui se tantum ex parte immo-
lat.*

*Ergo est ingratus; aut ne tale incurras probū, om-
niū te totum debes immolare cum Christo.*

C I. PUN-

I. PUNCTUM.

IN qua nocte tradebatur, accepit panem & gratias agens fregit, & dixit, accipite & manducate; hoc est corpus meum, quod pro vobis tradetur, hoc facite in mea commemorationem. Nihil hic non stupendum supra omnia admirationem, sed illud in primis cum Apostolo pondera, quod quam nocte tradebatur, id est, quo tempore cogitabant homines de expendendo & vita tollendo, Ipse cogitabat de admirabili illo modo sui relinquendi, & se totum donandi omnibus & singulis hominibus. Nonne est Bonitas opposita malitia & impietati Iudeorum? Perge porro de hac bonitate ceterisque admirandis hujus Sanctissimi Sacramenti, quantum feret effectus, meditari; Tum ad gratitudinem tanto reddendam Beneficio devenies; cumque aliud quod aptius reddas inveniri non possit, quam ut te totum immoles cum Christo se totum immolante, sic te gratum hoc modo exhibebis, ut nisi hanc redditum gratitudinem, ingratus te profus & indignum tanto beneficio sentias, quidquid aliud praestes.

Ratio, quam hic mulcum expedi debet, haec est, quod ille ingratus sit omnia iudicio, qui quam debet, quam potest, & quam probè scit esse reddendam Benefactori gratitudinem & animi testificationem, non tamen reddit. Nonne illum condemnabis? quid enim illum impedit à reddenda gratitudine, quam perversa voluntas? Talis autem voluntas nonnemera est ingratitudo; nam si non debet talem ingratitudinem, si nesciret se debere, aut si non posset, certè esset excusandus. Sed cum haec tria simul concurrant, que ad affectionem cui uslibet operis plurimum valent, ut debeat, ut sciat, & possit reddere, quod perit, nec tamen usquam reddit; placit ingratus est & maximè vitiosus eius ingratitudo, cum sola illi desit voluntas, in qua una posita est gratitudo vel ingratitudo. Velle ne tibi aliquem aut te alicui sic esse ingratus? Nonne vel hoc nomen ingratitudinis exercitatur animus? Possitne hujus viti sustinere probrum à Patre factum, vel ab aliquo insigni Benefactore? An te his velles comprehendimus verbis, quibus de ingratis sic quæritur Deus: *Filios entrivi & exaltavi, ipsi au-
tem spreuerunt me!*

J. R.

II. PUNCTUM.

ATQVI ille, qui cum Christo se ipsum immolante, se tantum ex parte immolat, non reddit illam gratitudinem, quam debet, quam potest, & quam probè scit esse reddendam.

Quatuor hic sigillatum sunt expenda; Primum est, quod se Christus Dominus totum immolat in hoc Sacramento. & Sacrificio; quod quidem non sit semel sicut in cruce pro omnibus hominibus, sed quotidie protinus. *Verbum omni gladio accipit penetrabilibus*, Pro te uno quotidie se immolat in altari, sicut semel pro omnibus! Audi Authorem libri de Imitatione Christi: *Letare anima mea* 3. de Imit. Chr. 2. & gratias age Deo pro tam nobili munere & solatio singulari. Nam quoties hoc mysterium recolis, & Christi: *Corpus accipis, toties tue redemptio: & pugnas.* & particeps omnium meritorum Christi efficeris. Ita magnum, notum. & jucundum tibi videre debet, cum celebras aut missam audis, ac si eodem die Christus primum in uterum Virginis descendens homo factus esset: aut in cruci pendens pro salute hominum pateretur & moraretur.

Secundum, quod perpendas, est, tantam huic beneficio deberi gratitudinem, quantam alteri quicunque; ut autem debita gratitudo reddatur, ipsa debet dari vita, non ex parte sed tota. Nam si paritas aliqua querenda est inter beneficium & gratitudinem, non potest hic alia reperi, quam ut des ei saltem semel viram tuam, qui suam toties pro te dat, dicat & consecrat. Erit quidem adhuc longè magna disparitas, cum vita tua longissime sit inferior virtute Christi; quia tamen nihil supra vitam dare potes, tuā illā qualiscumque sit, contentus es: sed nisi eam integrè dones & immoles, non putes ei satisfactum, quidquid aliud agas & offeras. *Quidquid præter te ipsum das, ait ipse Dominus, ubi post Evangelium apertius loquitur, nihil curo, quia non caro datur tuum sed te.* Sicur non sufficeret tibi omnibus habitus præter me, ita nec mihi placere poterit, quidquid de deris, te non oblatio. Vide ibi plura.

Tertium, Nihil à te petit, quod non possidet, cum eius gratia, quam ex eo ipso potes intelligere tibi offerri, quando petit a te, quod non potes dare, nisi te adjuvet. Neque veò aliquid à te exigit, quam ne quidquam ex sensuali

Hom. 26. ad Popul.
de Zacc.
*2. Cor. 5.
Iona. 6.*

Sensuali motu liberè agas, aut loquaris; sed omnia in spiritu & veritate; seu ex ratione & gratia. Quid facilius homini rationali adiuto gratiâ, quam ex ratione & gratia vivere? quid tibi liberius, quam tua libertas? quid tam tuum, quam tua voluntas, qua non vult aliquid, nisi quia vult illud? Non est hic impendium, non est hic labor, non est hic temporis exercitatio: sufficit vellet, & totum factum est, ait sanctus Joannes Chrysostomus. Ideoque alibi; Magia est vis voluntatis, quâ efficitur nos posse, quod volumus, & non posse illa, qua nolumus.

Quartum denique, nonne id probescis te debere & posse, quod queritur, aut certè ignorare non debes, cum tot nominibus ei vitam debcas, à quo eam accepisti? Noane ipse est Creator tuus, Conservator tuus, Redemptor, Justificator, & Glorificator tuus? At nonne propterea te totum illi debes? Novissime autem cum te novo obstringit beneficio, quo se totum tibi quotidianus immolat, & quo à te reperit, quod tam pridem illi debes, an ignorabis te debere? An ignoras quod ait Apostolus, ut qui vivunt iam non sint vivant, sed ci, qui pro ipsis mortuus est? An quod ipse Christus tam aperte, sicut misit me vivens pater, & ego vivo propter patrem, & qui manducat me, & ipse viveret propter me.

-III. PUNCTUM.

Ecclesi. 19
INGRATUS es igitur tanto beneficio si te non immoles, vel si non nisi ex parte te immoles, dum se totum Christus immolat; quia non reddis quod debes, quod potes, & quod scis esse reddendum: unde illud Sapientis tibi non immerito possit objici: *Bona Reponsoriorum sibi ascribit peccator, & Ingratus sensu-*

derelinquit liberantem se, vel quod est apud Jobum: quasi nihil posset facere Omnipotens, *Iob. 22.* estimabant eum; cum ille impleisset domos eorum bonis. Adde, quod sic ille in Sacramento & Sacrificio se immolat, ut temeritatem tui simul cum ipso immolandi perfecte doceat. Vide quomodo illic vivit & mortuus est simul. Revera vivit eodem in corpore, quo dum ageret inter homines, vivit, idem sunt oculi, eadem aures, idem os & lingua, manus & pedes ceteraque corporis membra: sed quomodo iis utitur & peinide ac si mortuus esset; non enim iis utitur corporali modo sed spirituali. Sic tu planè vivens morieris, & mortuus vives, si non aliter oculis cernas, auribus audias, ore loquaris, & toto te moveas corpore atque animo, quam purè ex motu gratiae & rationis, non ex appetitu vel concupiscentia. *Rom. 8. 1* Si spiritu facta carnis mortis & veritis, vivitis, ait Apostolus; quod & *Ibid. 6.* antea dixerat: si mortui sumus cum Christo, creditur quod simul etiam vivemus cum Christo. Existimate vos mortuos quidem esse peccato, viventes autem Deo in Christo Iesu. Non ergo regnet peccatum in vestro mortalicorpore, ut obedientis concupiscentiis eius; sed neque exhibeatis membrorum vestrum, arma iniquitatis peccato, sed exhibete vos Deo tanquam ex mortuis viventes, & membrorum vestrum arma instituti Deo. Quem in sensum & usum plurimæ subministrantur in 3. parte Veritates, primis quidem duabus integris hebdomadis; Tum Feria 5. 6. & Sabbato decimæ tertiae hebdomadæ. Atque haec in primis, quæ infra declaratur Feria 6. quartæ post Pascha hebdomadæ:

Quam gloriosum est Sacramento multa in nos posse si velimus, tam ignominiosum est pauca posse, quod nolimus.

FERIA SEXTA. DE PRODITIONE IUDÆ Manifestata à Christo Domino.

Amen dico vobis, quia unus vestrum me tradidurus est. Respondens autem Iudas, qui tradidit eum, dixit: nunquid ego sum, Rabbi? Ait illi, tu dixisti. *Matth. 26.*

VERITAS PRACTICA.

Qui se existimat stare, videat ne cadat.
1. Cor. 10.

RATIO EST, Quia stanti in lubrico & undique ab adversariis concusso, videndum diligenter ne cadat.
Sed quicunque se existimat stare, non aliter stat, quam in lubrico & inter adversarios.
Ergo illi semper videndum ne cadat.

I. P U N C T U M.

Fierine potuit, quod factum est? Potuit ne Judas cogitare, quod executus est? Quis credidisset Apostolum eo, unquam perfidiae deuentatum? O Judicia Dei! o infirmitatem hominis! Malitia quidem Dæmonis est, qui sic hominem tentavit, ut proderet Dominum tuum, sed hominis culpa & crimen est, quod se ita tentari passus sit. Et quod magis mirere, putabat Prodigor ita dolosè & clandestinè le posse tegere facinus suum, ut omnes lacereret; Ipsi etiam Iudei consilium cum eo fecerant, ut Iesum dolo tenearent. At non ita bonus Iesus, non ita dissimulanter & fictè cum suis agit; aperit latentes dolos, denudat crimen, proditorem innuit, ut se agnoscat & resipiscat. Vide, quid non fecerit misericord & misericors Dominus, ut per ditum hominem revocaret.

Primò quidem denuntiat omnibus Apostolis, unum ex ipsis esse, à quo sit prodendus; Deinde Apostoli multum iollicit & territi, querunt inter se fere de homine, qui hoc facinus audere posset; Tum querenti ipsi de se ipso Iudei responderet Dominus, Tu dixisti. Nonne hæc ad emolliendum ferreum quocunque pectus sufficiebant? At verò tum nihil ille propterea moveretur, cum Christus ipse Dominus horrore sceleris femit ipsum turbat, vultum mutat, oculos in altum rollit, suspirat, & alia commori animi signa dat, & pro testatur, Vnde homini illi, per quem Filius hominis tradetur, bonum erat ei, si natus non fuisset homo ille. Quid ultra! Benignitatem etiam & quoddam veluti blanditias minis adjungit, intinctum panem porrigit proditori; quod facit, ut faciat citius, monet; ac denique permittit Satanæ, ut cum buccella introeatur in eum, &

Ioan. 15.

Matt. 26.

ita concuriat hominem, ut sui pudeat & tare deat. O iterum pavenda Dei judicia! o rursus, incredibilem hominum infirmitatem!

Quām verè & sapienter pronuntiatur ab Apōstolo Paulō: Itaque qui se existimat stare, videat ne cadat. Quis enim non sibi caveret, qui in lubrico suā ipse infirmitate vacillans & nutans staret, ac præterea multis undeque & validis concuteretur adversariis, ad certum casum & ad ruinam proximam? Subjice tibi rem oculis, expende omnia & explora animum miserandi illius hominis, qui sic staret; inquire, quid de se sentiat, quid de suo statu, de sua securitate vel periculo, an sibi viglet, sibi attendat, sibi a se ipso caveat, à loco, ab hostibus, & aliis periculis circumstantiis, quibus cingitur? Horrenda via, inquit sanctus Augustinus ad illum Psalmi verbum, fiat Psal. 34. via illorum, tenbra & lubricum, & Angelus Domini persquens eos. HORRENDA via! Tenebras solū quis non horreat? Lubricum solū quis non caveat? In tenebris & lubrico quā is? Vbi pedem figis?

II. P U N C T U M.

Sed quicunque se existimat stare, non aliter stat, quam in tali lubrico, & medios inter adversarios, qui cum ad ruinam impellant. Nihil notius & nihil frequentius in Scripturis & Patribus, quam descriptiones talis status. Iam audivisti Prophetam regium non tam optantem quam prædicentem ita fore. Licet enim dicat fiat via illorum, & quæ pergit: Hac eis 1. Tim. 4. futura predixit, inquit ibi sanctus Augustinus, non quasi ut evenirent optarit. Quamquam, & Propheta in spiritu Dei sic ea dicit, quomodo illa Deus facit, certo iudicio, bono, iusto, sancto, tranquillo, non perturbatus ira, non amaro zelo, non animo inimicitarum exercendarum, sed iustitia vitiorum puniendorum: veruntamen Prophetia est. Id est, prædictit & describit, quid novissimis illis temporibus futurum sit, de quibus Apostolus, discedent quidam à fide, attendentes spiritibus erroris, & doctrinis Dæmoniorum. Et rursus: Erunt homines se ipsis amantes, cupidí, elati, superbi, proditores, protervi, sumidi, & voluptatum amatores magis quam Dei. Tunc nihil nisi tenebra & lubricum. Quod totidem pene verbis Ieremias, aut ipse per Prophetam Dominus: In Ier. 23. domo mea inveni malum eorum, ait Dominus: Idcirco



Idcirco via eorum erit quasi lubricum in tenebris, impellenur enim & corruent in ea.

Neque vero longa est interpretatione opus, ad declarandum, quid sit illud lubricum in tenebris, & quam in illi adversarii ac impulsores.

Quis enim nescit, quod aiunt tam frequentes Scripturæ, & quod nostro damno

nimis experimur, mundum totum in maligno possumus esse. CREATVR AS Dei in odium factas,

& in temptationem animabus hominum, & in

misericordiam pedibus insipientium. SENSVM ip-

suum & cogitationem humani cordis in malum

prona esse ab adolescentia sua?

¶.6. Quis nescit non esse nobis tantum, collu-
tionem adversus carnem & sanguinem, sed
adversus principes & potestates, adversus mundi
rectores tenebrarum harum. Id est, qui regnant
& qui plurima valent arte ac potestate in illo
lubrico, densisque tenebris, ubi verlamur, &
rotamur quodammodo ad eorum nutum &
imperium, ut de peccato in peccatum præci-
pites circumvoluamus; nisi nobis cum Deo
diligenter in vigilemus & timeamus.

Hom. 15. Etenim multa nobis munitione opus est, inquit
discretè sanctus Joannes Chrysostomus, quia
multæ sunt undique insidiae, sicut Salomon ad-
monebat dicebat: Agnoscet, quod in medio laqueo-
rum transis, & super propugnaculis urbium am-
bulas. Non dixit, apice, sed agnoscet. Obumbratus
est, inquit, laqueus, neque manifesta clades, sed
undique obiecta adjacet: propterea dixit agnoscet;
sicut enim pueri terra laqueos, sic Diabolus vita
voluptatibus peccata contexit. Sed agnoscet per-
scrutans diligenter: Et nonnullis interjectis,
quæ tertio post commodius punto reser-
vantur, sic pergit aptissime: Si enim unus tan-
tum & duo laquei forent, facilis esset custodia,
nunc autem ipsorum multitudinem ostendere
volens Salomon, quomodo dicit, audias: Agnoscet,
quod in medio laqueorum pertransis. Non dixit,
juxta laqueos pertransis, sed in medio laqueorum.
Vtrumque nobis voragini, utrumque dolis. Pro-
cessit quispiam in forum, vidit inimicum, exar-
sit ex asperitu solo: vidit amicum laudem conse-
quentem, invidit: vidit pauperem, contemptus &
despexit: Divitem, & invidit. Vidi speciosam
mulierem, captus est. Vidisti quo laquei: Ideo di-
cit, agnoscet, quod in medio laqueorum transis. Et
in domo laquei, & in mensa laquei, & in concio-
nibus laquei.

L. de fuga Quod & sanctus Ambrosius sic paulò stri-
guli 6.1. ctius exprimebat: Quis inter tot passiones cor-

poris, inter tantas illecebras huius facili tutum
atque intemeratum servare potest vestigium?
Respxit oculus, & sensum mentis evertit. Au-
davit auris & intentionem inflexit. Inhalavit
odor & cogitationem impedivit. Os libavit &
crimen reddidit. Tactus contigit & ignem adole-
vit. Nonne hoc est itare in lubro, nonne hoc est
est in mediis versari periculis? Nonne hoc est
cadenti proprius, quam stanti similem esse?

III. P U N C T U M.

¶ VI se ergo existimat stare, videat ne cadat;
& cō magis videat & vigilet, quo se ma-
gis existimat stare: ne forte præsumat, & præ-
fumptionis suæ pœnas miserando casu luat.
Hinc aptè Sapiens, Beatus homo, qui semper est Prov. 28.
parvus: qui verd̄ mentis est dura, corrue in
malum. Itemque alibi: Si non in timore Domini Eccles. 27
tenueris te instanter, cīd̄ subvertetur domus
tua. Quod & fusè Apostolus: Tu fide has, noli
altum sapere, sed time; si enim Deus naturalibus
ramis non pepercit, ne forte nec tibi parcat. Vide Rom. 11.
ergo bonitatem & severitatem Dei; in eos qui-
dem, qui ceciderunt, severitatem; in te autem,
bonitatem Dei, si permaneras in bonitate: alto-
quin & tu excidēris. Unde & Idem de fē ipso, 2. Cor. 9.
jam complures audivisti quām serio fatere-
tur se timere, se pugnare, se corpus suum ca-
stigare & constringere, ne cum salvaret alios
ipse periret. Quod & sanctus Petrus suos om-
nes quamcumque projectos & sanctos
admonebat: Vos igitur fratres, præsentes custo- 2. Pet. 3.
dite, ne insipientium errore traducti excidatis à
propria firmitate.

Sancti quoque Patres in idipsum omnes
consentient. Hac sanctis causa tremendi ac mo-
tuendi, inquit sanctus Leo, ne ipsis operibus pie-
tatis elati, deferantur ope gratia, & remaneant
in infirmitate nature. Rursumque: Nemo est,
aut, tanta firmitate suffultus, ut de sua stabili-
tate debeat esse securus. Sanctus Gregorius pe-
ne totus est in hoc argumento, nec ita pridem
auditus est, ubi columnas tremere, & Cedros
monstrat pavore concurti. Vide Dominicam
proximè præcedentem.

De his porro Cedris copiosè sanctus Au-
gustinus: Vidimus multos Domine ex patribus
nostris, quod utique sine magno tremore non re-
coleo, sine multo timore non confiteor, ascendisse
primitius quodammodo usque ad calos, & inter
sydera nūdum suum collocasse, postquam autem
ecclisse

cecidisse usque ad abyssos: Vidimus stellas de caelo
cecidisse ab impetu ferientis cuncta draconis; Et
quæ plura prosequitur, quæ contracta reperies
capite decimo quarto libri terræ de Imitatione
Christi; Ceciderunt stelle de caelo, & ego pul-
vis quid presumo; Idem vero S. Augustinus in
psalmum super flumina Babylonis, timori cau-
telam sic adjungendam docet: Flumina Baby-
lonis, inquit, sunt omnia, quæ hic amantur &
transiuntur. Attende quæ fluit, attende quæ labi-
tur: & si astudas, quæ fluit & labitur, care quia
trahit, uno naufragio nudus exibis, & recte te
planges in flumine Babylonis, quia non uisisti sedere,
& flere super flumina Babylonis. O Sancta Sion,
ubi torum stas, & nihil fluit, quis nos in ista præ-
cipitavit? Ecce inter fluentia & labentia confi-
xisti, vix quisquam raptus à flumine, si tenere
lignum potuerit, evadet.

Ps. 136.

Sanctus autem Chrysostomus quibus &
quomodo distinet ac particulatum cavendis
unusquisque invigilat, atque ad proximam qui-
se stare existimat, ut videat ne forte cadat: Si
lucrum, inquit, occurrit, ne lucrum appetias
solum, sed scrutare diligenter, ne forte mors &
peccatum intra lucrum sibi absconditum; & si vi-
deris, refuge. Rursus cum delectatio & voluptas
ocurrerit, ne voluptatem solum respicias, sed ne
forte iniquitas aliqua in voluptatis profundo ob-
umbrata sit, diligenter considera, & si in veneris,
resistit. Sive consulat quippiam, sive aduletur, si-
ve obsequatur, sive honores pollicetur, sive

Hom. 15.
pop. ant.

quodcumque aliud, omnia cum diligentia exami-
nemus, & undique consideremus, ne forte dam-
num aliquod, ne forte periculum aliquod ex con-
silio, vel honore, vel obsequio, nobis eveniat; & ne
celeriter & inconsideratè accurramus.

Denique, quanta hæc fide ac cura sint in
proximam quotidianam advocāda, recte his ad-
jungetur Tridentinum, ubi agit de perseve-
rantia munere. Quod quidem aliunde, inquit, *Sess. 6. c.*
haberi non potest, nisi ab eo, qui potens est eum, qui *13.*
stat, statuere ut perseveranter sit, & eum, qui
cadit, restituere: Nemo sibi certi aliquid absoluta
certitudine pollicetur: Tamen si in Dei auxilio
firmisimam spem collocare & reponere omnes de-
bent. Deus enim, nisi ipsi illius gratia defuerint, se-
cut capit opus bonum, ita perficiet, operans velle
& perficiere: Veruntamen *QVI SE EXISTI-
MANT STARE, VIDEANT NE CADANT.*

Ma

*FORMIDARE enī debent, scientes quod in
spem gloria, & nondum in gloriam renati sunt
de pugna, quæ superest cum carnis, cum mundo,
cum Diabolo, in qua victores esse non possunt nisi
cum gratia, Apostolo obtemperent dicentes: Debi-*

Rom. 8.

*tores sumus non carni, ut secundum carnem vi-
vamus: si enim secundum carnem vixeritis, ma-
riemini: si autem spiritu facta carnis mortifica-
veritis, vivebitis.*

Luc

S A B B A T O. DE CONTENTIONE HONORIS, inter Apostolos orta.

Facta est autem & contentio inter eos, quis eorum videretur esse major. Luc. 22.

Nihil per contentionem, neque per inanem gloriam. Phil. 2.

VERITAS PRACTICA.

Licet obtineres, quod amabis, non esset con-
tendum: At velò licet contendas, non
obtinebis.

*RATIO postrema partis quæ hic magis probanda
videtur, hac est, quia quod maximè queritur
& ambitur per contentionem simul ac in-*

*nem gloriam, est humana opinio, quæ bene de
nobis alii sentiant & loquantur.*

*Sed illa humana opinio seu existimatio non obti-
netur per contentionem, neque per inanem gloriam.*

Ergo licet contendas, non obtinebis quod amabis:

*Ac proinde non omnino contendendum: cum
vel licet obtineres, non esset tamen contenden-
dum; quoniam minus contendas oportet, cum
nihil tua contentione proficias.*

I. PUN-

I. PUNCTUM.

¶ Ps. 90.

Quam verè sanctus Bernardus; *Ambitio subtile malum, secretum virus, pessis occultus!* En Apostolos dixerunt in vacuitate, & eo tempore quo minimè unquam hoc inordinato motu moveri debuissent. Quid enim magis alienum ab illo exemplo humilitatis, quod eorum Magister & Dominus jam ediderat in lavandis coruni pedibus? quid magis adversum præcepto, quod addiderat de te imitando? quid denique magis intempestivum, quam dum eorum unus avaritiā trahitur ad Iesum perdendum, ipsi superbiam moveantur ad augendam ejus offensionem & molestiam. O iterum ambitio subtile malū! quis sibi ab eo non caveat ubique, & iemper, cum ita penetreret Apostolica pectora recenti etiam corporis Christi communione roboretur!

Mat. 20.

Verū ne ultra progrederetur malum, occurrat bonus JESUS, & quod jam pridem illis commendarat, iterum repetit & inculcat; longè aliam sibi esse mentem, longè aliam inter eos contentionem velle se instituere, quā scilicet de minori poriū gradu contendant, quam de majori. *Reges gentium, inquit, dominantur eorum, & qui potestatem habent super eos, beneficij vocantur: vos autem non sic, sed qui major est in vobis, fiat sicut minor, & qui præcessor est, sicut ministrator.* Nam quis major est, qui recumbit, an qui ministrat? nomine qui recumbit? Ego autem in medio vestrum sum, sicut qui ministrat.

¶ Ps. 2.

Quæ dum attente revolueris, vide quam apte Apostolus dixit; *Nihil per contentionem neque per inanem gloriam: sed in humilitate superiores sibi invicem arbitrantur.* Quæ quidem Apostoli verba non modò significant nihil esse agendum per contentionem, neque per inanem gloriam, sed licet sic ageres, licet contenderes & inaniter te efferves, nihil tamen obtineres: quo in sensu potissimum considerata sunt, ut inde Veritas efficacior formaretur. Quid enim aptius ad contentionem & inanem gloriam reprimendam, quam si probè intelligatur, nihil eorum, quæ ambias, sic obtineri?

Sic autem demonstratur; Nam quid queritur ista honorum contentionem, quid ambitionem, quid prætenditur? hoc uatum est scilicet,

coli ab aliis, aestimari, prædicari, esse in opinione, in sermone, monstrari digito, & dicier hic est. Nonne illud est præcipue, quod contenditur & ambitur? Sanctus Augustinus hunc ambitionis affectum, hoc esse interpretatur, quod timeri & amari velle ab hominibus, quo maximè impelluntur à Dæmone, qui sibi talis non carent. Nobis, inquit, quoniam L. 10. Cōpropter quadam humanæ Societatis officia necessaria sunt amari & timeri ab hominibus, instat Adv. r. f. viii. vera Beatitudinis nostra, ubique spargens in laqueis, EUGE EUGE, ut dum avidè colligimus, incautè capiamur, & à veritate tua, Deum alloquitor, gaudium nostrum deponamus, atque in hominum fallacia ponamus, libetisque nos amari & timeri, non propter te, sed pro te, id est loco tui, argue isto modo suū similes factos secum habeat non ad concordiam Charitatis, sed ad consortium supplicii, qui statuit sedem suam ponere in aquilonem: Quis crederet se his humanis affectibus & contentiobus sic immiscere Dæmonem, sic nos incarcare, sic nos deciperet?

II. PUNCTUM.

SED neque obtinet illa opinio, qua queritur per contentionem aut inanem gloriam.

Hoc enim ipso, quo quis noscitur ambitionis & superbus, dejicitur humanæ opinione & aestimatione, adeo etiam apud homines Prov. 16. odibilis est superbia, ut ait Sapiens, ut longè magis videt honorari humiles & alienos ab istis contentionibus, quam ipsos contentiosos:

Unde idem Sapiens, Honor est homini, qui separat se à contentionibus: omnes autem stulti viscentur contumelias. Ibid. 20.

Sicut ergo divino & humano testimonio constat, nullam viam esse certiore ad opinionem sibi etiam nolenti conciliadū, quam si humilitatem profitearis aut præteferas: ita planè certum est nihil esse proclivius ad humiliationem & infamiam, quam si quis altius se effeterat, & si propterea contendat & dimicet. Tunc Deus & homines veluti coniunctione facta conveniunt ad illum deprimendum & abiiciendum. Sic enim passim scriptura, Radices gentium superbarum arefecit Deus, & plantavit humili ex ipsis gentibus. CONTRITIO NE M præcedit su Eccl. 10. perbia, & ante ruinam exaltatur spiritus. Prov 16. QVI altam facit dominum suam, querit ruinam. Ibid. 17. SIC VIT erubant præcordia fortium, & Eccles. 17. ficer

sicut perdix inducitur in carneam, & ut capra in laqueum, & sic cor superborum.

3. de Dōct. Denique, ut ait sanctus Augustinus, Nulla Chr. c. 13. fere pagina est sanctorum librorum, in qua non In Ps. 118. sonet: Deus superbiis resiste, humilibus autem dat gratiam; ubi & sanctus Ambrosius, tanquam Ius, inquit, contumelias tropulsa veluti quodam sucepit aduersus superbiam, speciale certamen, tanquam dicat, meus iste adversarius est, qui me lacescit, mihi debetur ista congresio. Dicitur autem praecepit Iacesci Deus per contentionem & honorem seu ambitionem, quod Dei sit ordinare, disponere, & unicuique dare, prout voluerit, non prout appetitus inordinatus ambierit. Per me, inquit, Reges regnant, per me principes imperant, & potentes decernunt iustitiam. Unde ipse le opponit ambienti, vel impediendo ne obtineat gradum, quem pretendit, vel in eo gradu honorem, quem maximè querit.

Prov. 8. O Ambitio, Ambitionis crux! ait aperte sanctus Bernardus, quâ videlicet maximè cruciantur, dum se minus honorari vident, quam yellent.

*L. 2. de
Consid.*

III. P U N C T U M.

LICET ergo contendas, non obtinebis, quod contendis. Nihil gloriae, nihil gloriose opinionis obtinebis apud homines; ac proinde nihil contentiose & superbè agas, cum ob id unum contendatur, ut humana gloria comparetur. Certè sunt alia motiva præstatoria, quæ expendi possunt, & illud præcipue, quod hic à Christo Domino proponitur; Sed homini contentioso & inani hoc re-

præsentatum est, ut si dignitate & utilitate virtutis oppositæ non movertur; utilitate & inutilitate sui vitii deterreatur. Sic porò utrumque breviter est complexus S. Cyprianus: Ille, qui presumit & contumax est, vir sui Ep. 3. l. iactans, nihil omnino proficiet, qui dilatarvit tanquam infernus animam suam: Exaltatio & inflatio non de Christi magisterio, qui humilitatem docet, sed de Antichristi spiritu nascitur, cui exprobrat per Prophetam Dominus: Tu autem dicitur in animo tuo, in cælum ascendam, super stellas coeli ponam sedem meam. Ecce VERE inanus gloria, mala pestis, vanitas maxima, non modo quia, à vera trahit gloriam, & cœlesti spoliat gratiam, ut ait Gerson, sed quia promisum sibi hominum opinionem non possidet, c. 40. aut etiam si possideat, rem valde inanem & vacuam possidet, qualis est hominum opinio.

Filiū hominum, usquequo gravi corde? ut quid Psal. 4. diligitis vanitatem. & quaritis mendacium? Quasi diceret, ut interpretatur S. Augustinus: Saltem usque in adventum filii Dei, vester error duraverit, quid ergo ultra graves corde es? Quando habituri finem fallaciarum, si Veritate præsente non habetis? Quid vultis beati esse de infimis? Sola Veritas facit beatos; ex qua vera sunt omnia: nam vanitas est vanitatum, & omnia vanitas. Quia abundantia homini in omni labore suo ipse laborat sub sole? Ut quid ergo temporalium rerum amore detinemini? Ut quid tanquam prima, extrema settamini, quod est vanitas & mendacium? Cupitis enim permanere vobiscum, quia omnia transirent tanquam umbra.

DOMI-

